



ЎЗБЕКИСТОН РЕСПУБЛИКАСИ ПРЕЗИДЕНТИ РОССИЯ ФЕДЕРАЦИЯСИ ДЕЛЕГАЦИЯСИНИ ҚАБУЛ ҚИЛДИ

Ўзбекистон Республикаси Президенти Шавкат Мирзиёев 18 сентябрь куни Россия Федерацияси Ҳукумати Раисининг ўринбосари Виталий Савельев, Россия Президенти маслаҳатчиси Игорь Левитин ва "Российские железные дороги" компанияси бошқаруви раиси Олег Белозёровдан иборат делегацияни қабул қилди.



Учрашув аввалида Россия делегацияси аъзолари давлатимиз раҳбарига Россия Федерацияси Президенти Владимир Путиннинг саломи ва энг эзгу тилакларини етказди.

Жорий йилнинг 26-28 май кунлари Тошкент шаҳрида бўлиб ўтган олий

даражадаги учрашуларда эришилган келишувларни амалга ошириш масалалари кўриб чиқилди.

Минтақада самарали транспорт йўлакларини ривожлантириш бўйича мувофиқлаштирилган чора-тадбирлар кўришга алоҳида эътибор қаратилди.

Транспорт соҳасида sanoat кооперацияси лойиҳаларини жаддаллаштириш, автомобиль, темир йўл ва авиация йўналишларида шерикликни янада кенгайтириш, юқори малакали муҳандис кадрлар тайёрлаш муҳимлиги қайд этилди.

ЎЗА

Буюк ўзбек йўли

ҲОЗИРГИ ЗАМОН: ЯНГИ ЎЗБЕКИСТОНДАГИ ИСЛОҲОТЛАР ФАЛСАФАСИ

Ўзбекистон Президенти Шавкат Мирзиёев ўз фаолиятини бошлаганидан буён ўтган кичик давр ичида янги таҳрирдаги Ўзбекистон Конституцияси, бир қатор кодекс ва қонунлар, миллий стратегия ва давлат дастурларини қабул қилиш ташаббусларини илгари сурди. Давлатимиз раҳбари, шунингдек, янги Ўзбекистонни барпо этиш ва Учинчи Ренессанс пойдеворини тиклашга қаратилган кўплаб фармон, қарор ва фармойишларни имзолади.

Бугунги кунда мамлакатимиз ҳаётининг барча соҳаларига изчиллик билан жорий этилаётган ана шу кўламдор, муҳим ва долзарб ҳуқуқий асосларни яратишнинг туб сиёсий-назарий моҳияти Ўзбекистон Президентининг китоблари, дастурий маъруза ва нутқларида батафсил баён этилган. Шундай фундаментал асарлардан бири — "Янги Ўзбекистон тараққиёт стратегияси" китоби 2022 йилда чоп этилган бўлса, 2024 йилда "Ҳозирги замон ва Янги Ўзбекистон" номли навбатдаги салмоқли сиёсий асар нашрдан чиқди.

▶ Давоми 3-бетда



Нуктаи назар

МУНТАЗАМЛИК КАСБ ЭТГАН МУЛОҚОТ

ЎЗБЕКИСТОН ВА ГЕРМАНИЯ ЎРТАСИДАГИ АЛОҚАЛАР НИМАСИ БИЛАН АЖРАЛИБ ТУРАДИ?

Ўзбекистон юритаётган ташқи сиёсатнинг пировард мақсади аҳоли фаровонлигини таъминлаш, турмуш тарзини яхшилаш, мамлакатнинг халқаро нуфузини ошириш ҳамда ривожланган давлатлар қаторидаги ўрнини мустаҳкамлашдир.



Бу борада Президентимизнинг хорижий давлатларга қилаётган ташрифлари, хорижий давлат раҳбарларининг юртимизга келиб, яқиндан ҳамкорлик қилишга тайёрлигини билдираётгани диққатга сазовор.

Сўнгги йилларда мамлакатимизда ҳар томонлама чуқур ўйлаб юритилаётган ташқи сиёсат, иқтисодий дипломатиянинг натижалари нуфузли халқаро ташкилотлар билан муносабатларда ўз аксини топмоқда.

▶ Давоми 2-бетда

Қарор ва ижро

"ХОТИН-ҚИЗЛАР.ЎЗ" ПЛАТФОРМАСИ

АЁЛЛАР МУАММОЛАРИНИ ЎРГАНИШ ВА ТИЗИМЛИ ҲАЛ ЭТИШНИНГ САМАРАЛИ МЕХАНИЗМИ

Хотин-қизларнинг ҳуқуқ ва манфаатлари таъминланган жамиятда тинчлик, адолат, эркинлик ва фаровонлик бўлади.

Шу боис, мамлакатимиздаги ислохотлар жараёнида оила институтини мустаҳкамлаш, хотин-қизларни қўллаб-қувватлаш, жамият ва давлат ишлари бошқарувида уларнинг тенг иштирокини

таъминлаш, шунингдек, таъинқ ва зўравонликдан ҳимоя қилишга алоҳида эътибор қаратилмоқда.

▶ Давоми 2-бетда



Тўртинчи учрашувда БЕЛГИЛАНГАН ВАЗИФАЛАР

ИЖРОСИ ҚАНДАЙ АМАЛГА ОШИРИЛМОҚДА?

Таҳлил

Давлатимиз раҳбари жорий йил 7 сентябрда "Кичик бизнесни узлуксиз қўллаб-қувватлаш" комплекс дастурини такомиллаштириш чора-тадбирлари тўғрисида"ги қарорни имзолади. Унга мувофиқ, кичик бизнес вакилларини узлуксиз қўллаб-қувватлаш комплекс дастури доирасида қатор янгиликлар амалиётга жорий этилмоқда.



— Жумладан, шу пайтгача гаровсиз тақдим этилаётган кредитлар rischi тижорат банклари бўйида қолаётган эди, — дейди "Тадбиркорликни ривожлантириш компанияси" акциядорлик жамияти бўлим бошлиғи Бурҳон Нормирзаев. — Қарор билан ўша риск давлат томонидан тақсимланди. Яъни бир қисми давлат, бир қисми тадбиркор зиммасида қоладиган бўлди. Ажратиладиган маблағ миқдори ҳам 300 миллион сўмгача оширилди. Бундан мақсад кредит берувчилар олдидagi таваккалчиликни камайтириш орқали уларни қўллаб-қувватлашдир.

Аслида, ҳеч бир молия ташкилоти гаровсиз кредит беришни хоҳламайди. Лекин унинг rischi тақсимланган бўлса ёки кимдир уни бўйига олса, кредит берувчилар сони кўپаяди. Шу боис, мазкур амалиёт барча тижорат банклари ва микромолиявий ташкилотлар қизиқишини оширади.

▶ Давоми 4-бетда

Таълим тараққиёти

ХАЛҚАРОЛАШУВ ВА ТРАНСФОРМАЦИЯ ЖАРАЁНЛАРИ

НУФУЗЛИ РЕЙТИНГЛАР ПИЛЛАПОЯСИДИР

Мамлакатимизда инсон капиталига эътибор устувор масалалардан бири. Бу Ўзбекистон келажагини белгиловчи таълим тизими, кадрлар тайёрлаш бўйича фаолиятни мунтазам ривожлантириб боришни тақозо этади. Янгиланаётган Ўзбекистонимизда олий таълимда ҳам хорижий илгор тажрибаларни ўрганиш ва амалиётга жорий этиш бўйича вазифалар белгиланган. Олий таълим трансформацияси бўйича бир қатор масалалар ижросини кутмоқда. Бу йўналишда илгор университетларимиз ишларни аллақачон бошлаб юборган.

"Ўзбекистон — 2030" стратегиясида кўплаб вазифалар қатори айнан таълимга тегишли ишларнинг алоҳида ўрин эгаллагани, олий маълумотли мутахассислар тайёрлаш сифатини оширишдан тортиб, олий таълим муассасалари ташкилий-бошқарув фаолиятини такомиллаштириш, уларнинг моддий-техник таъминотини мустаҳкамлаш каби қатор муҳим вазифалар ҳам белгиланган янги режалар ва дастурлар асосида ишлашни тақозо этмоқда. Шунингдек, Президентимизнинг "Ўзбекистон Республикаси олий таълим тизимини 2030 йилгача ривожлантириш концепциясини тасдиқлаш тўғрисида"ги фармонида кўрсатилган вазифалар аниқ йўналишлар бўйича қандай ишларни амалга ошириш зарурлиги долзарб масаладир. Барча фаолиятимиз шунга қаратилган. Аммо тезкор ахборот алмашинуви даврида ҳар куни янги қарашлар, янги чақириқлар кўринмоқда.

▶ Давоми 5-бетда

Замондош

ФАН ДАРАЖАСИГА КўТАРИЛГАН САНЪАТ СОҲИБИ

Ёхуд Ўзбекистон Бадий ижодкорлар уюшмаси аъзоси,
хагтот Ҳабибулло
Солиевнинг сабр меваси

6



